

Կ Ա Ր Գ

«ԱՐՑԱԽԻ ՊԵՏԱԿԱՆ ՀԱՄԱԼՍԱՐԱՆ» ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ԿՈՒՐՍՂԵԿՈՒԹՅԱՆ

1. ԸՆԴՀԱՆՈՒՐ ԴՐՈՒՅԹՆԵՐ

1. «Արցախի պետական համալսարան» պետական ոչ առևտրային կազմակերպության (այսուհետ՝ ԱրՊՀ) կուրսղեկը նշանակվում է ուսուցման առկա համակարգի 15 և ավելի ուսանող ունեցող կուրսում (լսմբում)՝ ուսումնառության առաջին տարվա ընթացքում ուսանողների հետ տարվող աշխատանքների կազմակերպման և իրականացման համար:

2. Կուրսում (լսմբում) 15-ից պակաս ուսանող լինելու դեպքում նույն ֆակուլտետի հարակից մասնագիտությունների երկու և ավելի կուրսերի (լսմբերի) համար նշանակվում է ընդհանուր կուրսղեկ:

3. Կուրսղեկը նշանակվում է ուսանողների հետ աշխատելու փորձ ունեցող հիմնական դասախոսներից, ուսումնական տարվա սկզբին, ֆակուլտետի ղեկանի առաջարկությամբ, ռեկտորի հրամանով: **(փոփ. 31.05.2017թ. N 19-Լ)**

4. Կուրսղեկն իր գործունեությունն իրականացնում է՝ ղեկավարվելով «Կրթության մասին», «Ընդհանուր և հետբուհական կրթության մասին» ԼՂՀ օրենքներով, ԱրՊՀ կանոնադրությամբ, սույն կարգով և նորմատիվ այլ փաստաթղթերով:

5. Կուրսղեկն անմիջականորեն ենթարկվում է ֆակուլտետի ղեկանին, իսկ նրա գործունեության ուղղորդումը և ընդհանուր մեթոդական ղեկավարումն իրականացնում է ԱրՊՀ ուսանողների, շրջանավարտների և հասարակայնության հետ տարվող աշխատանքների գծով պրոռեկտորը:

6. Կուրսղեկը համագործակցում է ամբիոնների վարիչների, դասավանդող դասախոսների, ուսանողական ակտիվի և ԱրՊՀ կառուցվածքային ստորաբաժանումների ղեկավարների հետ:

7. Կուրսղեկի գործունեության հիմնական սկզբունքներն են համաձայնեցվածությունը, համակարգվածությունը, գործնականությունը, միասնականությունը, հարգանքը և հոգատարությունը ուսանողների նկատմամբ, անհատական-տարբերակված մոտեցումը, տեղեկացվածությունը կուրսի (լսմբի) ուսումնական և դաստիարակչական գործերին և խնդիրներին:

II. ԿՈՒՐՍՂԵԿԻ ՊԱՏԱՍԽԱՆԱՏՎՈՒԹՅՈՒՆԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

8. Կուրսղեկը պատասխանատու է ուսանողական կուրսի (լսմբի) ներհամալսարանական և արտահամալսարանական գործունեության կազմակերպման (իր լիազորությունների շրջանակում), ԱրՊՀ կանոնադրության, ներքին կանոնակարգերի և առաջադրված խնդիրների որակյալ կատարման, ուսանողների համալսմբման և կուրսում (լսմբում) առողջ բարոյահոգեբանական մթնոլորտ ապահովելու համար:

9. Կուրսղեկը պետք է իմանա և աշխատանքում հաշվի առնի՝

1) ուսուցման և դաստիարակության բովանդակությունը, սկզբունքները, հիմնական ուղղությունները, իրականացման ձևերն ու մեթոդները,

2) մանկավարժահոգեբանական ուսումնասիրություններ կատարելու և դրանց արդյունքները վերլուծելու հիմնական ձևերն ու մեթոդները,

3) ուսանողների սեռատարիքային և անհատական առանձնահատկությունները:

10. Կուրսղեկը պետք է կարողանա՝

1) իրականացվող միջոցառումների ընդհանուր հիմքի վրա ինքնուրույն որոշել ուսանողների հետ տարվող աշխատանքի ուղղությունները (ուսումնական-մասնագիտական, գաղափարական-հայրենասիրական, հոգևոր-բարոյական, գեղագիտական, առողջ կենսակերպի, բնապահպանական դաստիարակություն, մարդասիրական աշխարհայացքի, ազգային ինքնագիտակցության ձևավորում, կենցաղում և հասարակության մեջ ճիշտ վարքագծի մշակում),

2) ուսումնասիրել և վերլուծել ուսանողների մասին տեղեկությունները՝ հետևյալ կետերով՝

ա. ընդունելության արդյունքների քանակական և որակական վերլուծություն,

բ. դաստիարակչական խնդիրների առաջադրում,

գ. ուսանողների հետ անցված գործընկերության և անհատական գրույցների արդյունքների վերլուծություն,

3) կատարել մանկավարժահոգեբանական դիտարկումներ և ուսումնասիրություններ, ստացված տվյալներն օգտագործել դաստիարակչական նպատակներով:

11. Կուրսդեկը պարտավոր է՝

1) մինչև սեպտեմբերի վերջը ֆակուլտետի ղեկանին ներկայացնել ուսումնական տարվա ընթացքում ուսանողների հետ տարվելիք աշխատանքների պլանը՝ հաշվի առնելով իր կուրսի (խմբի) առանձնահատկությունները,

2) ուսանողներին ծանոթացնել իրենց իրավունքներին և պարտականություններին, ԱրՊՀ կանոնադրությանը, ներքին կանոնակարգերին, ավանդույթներին, շենք-շինությունների, լսարանների, կաբինետների, լաբորատորիաների, գրադարանների, անհրաժեշտության դեպքում նաև հանրակացարանի և մյուս օբյեկտների տեղադրությանը, նշանակությանը,

3) ուսումնասիրել և հաշվառել կուրսի (խմբի) յուրաքանչյուր ուսանողի անհատական առանձնահատկությունները, բոլորին ներգրավել աշխատանքներում և տալ անհատական առաջադրանքներ, ինչպես նաև ըստ պահանջի ներկայացնել տեղեկություններ նրանց անհատական և բարոյագործական հատկանիշների վերաբերյալ,

4) մասնակցել ուսանողական ինքնավարության մարմինների և ակտիվների ընտրության աշխատանքներին,

5) միջոցներ ձեռնարկել կուրսում (խմբում) կայուն բարոյահոգեբանական մթնոլորտի ձևավորման ուղղությամբ, նպաստել ուսանողների արդյունավետ ներգրավմանը համալսարանական կյանքում,

6) ուսանողներին դաստիարակել ազգային և համամարդկային արժեքների յուրացման ոգով, նպաստել ուսանողների տեղի և դերի բարձրացմանը, ակտիվ քաղաքացիական դիրքորոշման ձևավորմանը,

7) հետևել ուսանողների կողմից ներհամալսարանական կարգ ու կանոնի պահպանմանը, պարապմունքների հաճախումներին, կանխել նրանց անօրինական գործողությունները,

8) կազմակերպել դաստիարակչական բնույթի միջոցառումներ, որոնց ընթացքում կատարել մանկավարժահոգեբանական դիտարկումներ և ուսումնասիրություններ, ստացված տվյալներն օգտագործել դաստիարակչական նպատակներով,

9) ուսումնասիրել ուսանողների, առանձնապես՝ շրջաններից ժամանածների և հանրակացարանում բնակվողների, սոցիալ-կենցաղային պայմանները, միջոցներ ձեռնարկել նրանց հարցերի լուծման, հանգստի կազմակերպման համար,

10) կիսամյակային պարբերականությամբ, ինչպես նաև ըստ պահանջի, հաշվետվություն ներկայացնել ֆակուլտետի ղեկանին, որը ղեկանի կարծիքի հետ կցվում է կուրսդեկի անձնական գործին՝ որպես կուրսդեկական աշխատանքը հաստատող փաստաթուղթ,

11) կազմակերպել փոխգործակցություն իր խմբում դասավանդող դասախոսների միջև,

12) կապ հաստատել ուսանողների ծնողների, հարազատների հետ և նրանց հնարավորություններն օգտագործել դաստիարակչական նպատակներով,

13) շաբաթը մեկ, դասագուցակով սահմանված ժամերին, կուրսի (խմբի) հետ անցկացնել կուրսդեկի ժամ, ամփոփել շաբաթվա արդյունքները և քննարկել առաջիկա շաբաթվա անելիքները: (լրաց 31.05.2017թ. N 19-Լ)

III. ԿՈՒՐՍՂԵԿԻ ԻՐԱՎՈՒՆՔՆԵՐԸ

12. Կուրսդեկն իրավունք ունի՝

1) իրականացնել կազմակերպչական միջոցառումներ պլանային և առաջադրված խնդիրների որակյալ կատարման համար.

2) պահանջել կուրսի (խմբի) ուսանողներից իրենց իրենց պարտականությունների ֆակուլտետի ղեկանի, դասախոսների և աշխատողների օրինական պահանջների անշեղորեն կատարում.

3) դիտողություններ անել խախտումների դեպքում և պահանջել դրանք վերացնել.

4) ներկայացնել առաջարկություններ ֆակուլտետի ղեկանին ստուգաքննելի, քննությունների և այլ միջոցառումների անցկացման ժամանակացույցի մշակման, ուսումնադաստիարակչական գործընթացի կատարելագործման, ուսանողների խրախուսման և կարգապահական պատասխանատվության ենթարկելու վերաբերյալ.

5) իր բացակայության դեպքում ֆակուլտետի ղեկանին առաջարկություն ներկայացնել պարտականությունների ժամանակավոր կատարող նշանակելու համար.

6) ստանալ նյութական և բարոյական խրախուսանք կատարած աշխատանքի համար՝ ռեկտորի կողմից սահմանված չափով և ժամկետներում: